



МЕСЯЦА НОЯБРЯ В 20-Й ДЕНЬ

**Предпразднство Введения (Входа) во храм
Пресвятыя Богородицы,
и преподобнаго отца нашего Григория
Декаполита, и иже во святых отца нашего
Прокла, архиепископа Константинограда**

**На Господи, воззвах: стихиры предпразднства,
глас 1.**

Подобен: Небесных чинов:

Свещеносицы дэвы, / Приснодэву свѣтло
провождáюще, / пророчествуют истинно
Духом б́удущее: / храм бо Божий Богоро-
дица с́ущи, / в храм со слáвою дэвствен-
ною, / младэнствующи, ввóдится.

**Обещáния святаго и плод благослáвный, / Бого-
родица войстинну яв́ися м́ру, / яко всех
прев́ышшая, / яже благочестно привод́има в храм
Божий, / мол́тву рóждших исполняет, / соблюда-
ема Божественным Духом.**

**Небесным воспитана, Дево, хлѣбом / вѣрно в
храме Господни, / родила еси м́ру ж́изни Хлеб,
Слово. / Ем́уже, яко храм избранный и всенепороч-
ный, / предобруч́илася еси Духом таинственно, /
обручена Богу и Отцу.**

**Стихиры преподобнаго,
глас и подобен тойже:**

**В Небесныя об́ители с весѣлием вселя́ся / и со
Ангелы, о́тче, предсто́я дерзновѣнно Престо́лу
Господню, / на земл́и соверша́ющим пáмьять твою́ /
грехов оставлѣние и страстѣй даровáти мол́ся.**

Молитвенным серпом, отче Григорие, / страстей терния изсék / и возделав ралом воздержания зёмлю душевную, / вверх семенá благочестия в ню: / имиже нам возвращаеши исцеления плоды.

Добродетелей ты приятелище нарицаем, преподобне, / яко молчания друга, бдения делателя, и образ целомудрия, / и молитвы жилище некрадомое, и чудес сокровище, / и молитвенника чтущих ты, Григорие.

Слава, и ныне, глас 4:

Днесь Боговместимый храм, Богородица, / в храм Господень приводится, / и Захария Сию приемлет, / днесь святых святая радуются, / и лик Ангельский таинственно торжествует, / с нимиже и мы, празднующе днесь, с Гавриилом возопийм: / радуйся, Благодатная, Господь с Тобою, / имей велию милость.

Аще в пятък вечера: Слава, предпразднства. И ныне, догматик гласа.

На стиховне стихиры святого Прокла, глас 4.

Подобен: Дал еси знамение:

Догматов светлостию и жития красотю / благочестно удобрил еси, Прокле приснопамятне, священноначалие, / и Церкви столп явился еси истинно, / просвещая вся словесы твоими. / Тем ты ублажаем и во псалмех же и песнях / святую и всечестную празднуем память твою.

Стих: Честна пред Господем / смерть преподобных Его.

Светло научил еси и Богомудренно проповедал еси / Богородицу, пречистую Отроковицу, / рождшую Сущаго прежде век Создателя и Владыку, / Сына и Слово Отчее, / и в последняя за ны Человека бывша хотением и невращна* естеством, / и Нестория посрамив, яко нечестива и пребезумна.

Стих: Священницы Твои облекутся в правду, / и преподобнии Твои возрадуются.

Воды почерпл еси златозарная, приснопамятне, / мудраго Богопроповедника, / Егоже

* невращна — необращаемая, неизменяемая

и преёмник и благочестия явился еси, и сядалища, / утверждая учёными истины Христову паству, / и того честнейшия и всечестныя мочи, / якоже утварь царскую, Церкви отдал еси.

Слава, и ныне, глас 4.

Самогласен:

Приидите, вси вернии, / едину Непорочную восхвалим, / от пророк проповеданную и в храм приведенную, / прежде век пронареченную Матерь / и в последняя лета* являющуюся Богородицу. / Господи, молитвами Ея / мир Твой подаждь нам и велию милость.

Тропарь общий, глас 4:

Боже отец наших, / творяй присно с нами по Твоей кротости, / не остави милость Твою от нас, / но молитвами их / в мире управи живот наш.

Тропарь Григория, глас 3:

Образ был еси воздержания, / Божественным Духом вся просветив: / правоверия течение совершил еси, / учением мир просветил еси / и зловерных обличил еси смыслы, / отче преподобне Григорие, / Христа Бога моли даровати нам велию милость.

Тропарь Прокла, глас 4:

Иже Божественным началом премудрости, / страхом Господним утвердися, / отгуду священными восхождением возшел еси / во ученичество Златоуста, / и архиерейскаго того престола достоин быв чистоты добротами, / апостольским правилом себе вообразив, / не себе живый, но Христу и стаду своему. / Тем в нетленный живот апостольски вселился еси, / иерарше Прокле, / моли Христа Бога / спастися душам нашим.

**Слава, и ныне, предпразднства,
глас тойже:**

Радость предобручает всем Анна ныне, / печали сопротивный плод прозябши, едину Приснодеву, / Юже и приводит, молитвы исполняючи, / днесь веселящися, в храм Господень, / яко сущий храм Бога Слова и Матерь чистую.

* в последняя лета—в последние времена

НА УТРЕНИ

На Бог Господь: тропарь предпразднства, дважды. Слава, святых, и ныне, предпразднства.

По 1-й кафизме, седален, глас 4.

Подобен: Удивися Иосиф:

Прежде зачатия, Чистая, освятилася еси Бóгу / и, рóждшися на земли, дар принеслася еси ныне Емú, / исполняючи отеческое обещание, / в Божественном же храме, яко сúщо Божественный храм, / от младенства чисте, со свещами светлыми отдана бывши, / явилася еси приятелище неприступнаго и Божественнаго Свёта, / велико воистинну предшествие Твое, едина Богоневесто и Приснодево.

Слава и ныне, тойже.

По 2-й кафизме седален, глас и подобен тойже:

Храм Бóжий, многочестный чертог, / в храм Бóжий со свещами светлыми, с веселием вселитися происходит; / и радуется о Ней Захария, зря явление ясно, священных пророков исполняемо, / и веселится, и предпразднственный поёт глас: / радость провозвещает происхождение Твое, Отроковице Девомати.

Слава и ныне, тойже.

Канон предпразднства со ирмосом на 6 и святых оба канона на 8. Канон предпразднства, егоже краеграние по алфавиту до седмья песни. Подобно же и осмая свой стихи. Девятая же Иосифово, глас 4.

Песнь 1

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, / Той чудеса.

Святых во святая Всесвятая и Непорочная вселитися происходит, / Пресвятаго Бóга яко да будет храм освящен, / и Той предтекут девы отроковицы.

Совет превечный Превечнаго Бóга нашего во исполнение грядёт / предгрядущей Ти воспитати-

ся во святая святых, / Слова в жилище, Отроковице Всенепорочная.

Родители Божественни Ты, Божию Родительницу хотящу быти, / вводят воспитатися во святая святых: / молитву, еюже моляхуся, обещание исполняют, Пречистая.

Укрепй, Владычице, немощь сердца моего / и утверди, страстьми колеблемое, / яко да верою Тя и любовьию ублажаю, Присноблаженную и Всенепорочную.

**Ин канон преподобнаго Григория,
глас 8.**

Творение Иосифа.

Песнь 1

Ирмос: Колесницегонителя фараона погрузи / чудотвори иногда / Моисейский жезл, крестообразно поразив / и разделив море, / Израиля же беглеца, пешеходца, спасе, / песнь Божии воспевающая.

Умерщвленную сластьми телесе, смиренную мою душу / твоими молитвами оживи, блаженне Григорие: / жизнь бо ныне приял еси нестаряющуюся, / умертвив яже на земли уды, преподобне, постническими подвиги.

Удержав сласти телесныя ума чистотой, / из младого, отче, возраста орган Духа был еси, / Того действия светло приемля и Боговиден познаваяся.

Желанием Божественным плоти желания увядил еси, / и тебе самому, блаженне, обручил еси супружницу чистоту, / из неяже чада тебе родящаяся вся добродетели, приснославне, / чадо ты Божие соделовающая.

Богородичен: От земли до Небес досяжуци лествица Небесная, / еюже Бог Слово земным сниде, / Благословенная Пречистая, неслышанное чудо, недомысленное видение, / спаси к Тебе прибегающая.

Ин канон святаго Прокла, глас 1.

Творение Феофаново.

Песнь 1

Ирмос: Твоя победительная десница / Боголепно в крепости прославися: / та бо, Безсмертне, / яко

всемо́гущая, проти́вныя сотре́,/ израи́льтяном
пути́ глуби́ны новосоде́лавшая.

Де́янием же и сло́вом и́стинным / разу́мных
Арха́нгелов быв сообра́жен, Богоприя́тне, / и с
ними Престо́лу предсто́я Честны́я Трои́цы, / Ю́же,
Про́кле, моли́ спасти́ нас.

Стопа́м послéдуя я́ве Златоуста́го, всеблаже́нне
и приснопа́мятне, / тогóже Божéственное свящéн-
ства, óтче, оде́яние / я́ко насле́дие взял еси́ отéче-
ское, достосла́вне.

Дре́вле Бо́га на зéмлю Иса́ии вопию́щу Ду́хом
приити́, / Нестóрий, умовре́дно оболгу́яй вопло-
ще́ние, / от тебе́, треблаже́нне, собо́рне низвер-
га́ется.

Богородичен: Словесы́ Богодохнове́нными /
стра́шное от Дéвы уясни́л еси́ Воплоще́ние Сло́ва
Бо́га на́шего / и Богороди́цу Сию́ проповéдав, /
догма́том всему́дрым апо́столов послéдуя.

Песнь 3

Ирмо́с: Твоя́ песносло́вцы, Богороди́це, / живы́й
и незави́стный * исто́чнице, / лик себе́ совоку́пль-
шия, духо́вно утверди́, / в Божéственной Твое́й
сла́ве / венце́в сла́вы сподóби.

Начина́ющия отрокови́цы дéвы, / свещи́ нося́-
щия свéтло, б́дущее подписа́ют: / из Нея́ бо
родится просвещéние знáния, / реша́щее прéлести
омраче́ние.

Ревну́ючи дре́вле Богому́дренно, А́нна моли́тву
исполня́ет / и Тебе́ привозлага́ет святи́лицу, Все-
непорóчная, / свящéннейшее зача́тие имéти хотя́-
щу и рождество́.

Сóлнце простре́ лучи́, зря́ облак свéтлый,
простира́емь / ма́нием Божéственным вну́три во
свята́я, / из Нея́же одожди́т оставле́ние оляденéв-
шим ** страстьми́.

Обожа́ет мя Бог, вселився в Тя за милосéрдие,
Всенепорóчная, Чы́стая, / украдена́ сне́дию прéж-
де ле́стию зми́ною, / и тли нетле́ния па́ки пи́щу
возда́ет.

* независтный — обильный
** оляденéвшим — иссохшим

Ин

Ирмос: *Небѣснаго круга верхотворче, Господи, / и Церкви Зиждителю, / Ты мене утверди в любви Твоей, / желаний краю, / верных утверждение, / еди́не Человеколю́бче.*

Добродетелей на гору востѣк, преподобне, / во мрак видѣния вшел еси / и, разумѣв, елико вместил еси Непостижнаго естеством, / просвѣщения исполнен, отче, быв.

Рожденный в вертепе * за земных избавление, / древле ты, в вертепе, всеблаженне, живуща, / светом озари Небесным, яко Павла, / светозарна показуя ты, отче Григорие.

Небесная дверь, Христова Пречистая Мати, / прилоги ты демонскими окружаема, отче, вперѣ / и мощна крепостию на них содела Духа благодатию.

Богородичен: *Радуйся, еди́на, рождающая всѣческих Господа, / радуйся, жизнь человеком исхода-таившая, / радуйся, осененная и несекóмая горó, верных утверждение, / радуйся, Всенепорóчная.*

Ин

Ирмос: *Еди́не, ведый человеческаго существа немощь / и милостивно в не вообразяся, / препояши мя с высоты силою, / еже вопити Тебѣ, Святы́й: / одушевленный храме неизреченныя славы Твоея, Человеколю́бче.*

Свет из Света Боговидно, всеблаженне, прием, / Церкви свет был еси. / Темже и Свет тебе Божественный возсия разумно, якоже есть писано, / имже просвѣщаемъ, поющая озаряеши память твою́.

Вострубив догматов громом, / яко стѣны низложил еси Иерихонския ересей дерзости вся и воинства / и одолѣния побѣду возставил еси, / Воплощение Божие еже от Дѣвы проповѣдав ясно.

Источнику мудрости приложив уста твоя, Богоприятне, / и духовныя почерпл еси мудрости, Прокле, Божественныя воды, / мутныя потоки реки, всеблаженне, Несториева безбожная мнѣния.

* вертеп — пещера

Богородичен: **И**же горé* Отцú Единорóдный Сын неизреченно сразумевáемь, / единорóдный из Тебé дóле**, Пречíстая, пáче вины и рáзума родíся / и обожáет челове́ка, Пречíстая Влады́чице Богороди́це: / тёмже Тя сла́вим.

Ин икос предпразднства:

В прамáтери нáшей образ прообразовáшеся, / егда́ вообрази́ся естéственный зрáк от Девы свéтло, / я́коже бо она́ от ре́бр без семене произы́де праотца, / тако и Сия́ без семене Господа родí / пáче слова и помышлénия человéческа и рáзума всéх Безплóтных, / тёмже ты́ тайно́ Анна научáя, проповéда я́вственнó я́же от Девы, / да с рáдостию приведéши Ю́ Господеви, / Тá ёсть сень Небесная.

Кондак Григория, глас 3:

Свётлое ты́ со́лнце Цёрковь познавáет, / добродéтелей красотáми и исцелénий лучáми / всéх просвещáя, Христóв угóдниче: / тёмже прáзднуем честнóю пáмять твою́ / и почитáем пóдвиги твоя́, / всеблаженне́ óтче премúдре Григорíе.

**Кондак Прóкла,
глас 4.**

Подóбен: Яв́ился еси́:

Достóйно днесь торжествúет / всéх градóв честнэйший войстинну́ в честнóм преставлénии твоём, / óтче отцёв, Прóкле мúдре.

Ин кондак свята́го Прóкла, глас 8.

Подóбен: Взбрáнной:

Всечестна́го святítеля, Цáрскаго гра́да престóл украсívшаго / и сокрови́щем безценным то́го обогáщшаго, пречестнóми мощми́ Златоúстовыми, / íмже слóво живóтно стяжá, просвещáя вёрно чтúщия егó, / пёсньми похвалénия то́го рáдостно ублаж́им, зовúще: / рáдуйся, архиерéю, óтче священный.

Седáлен Григория, глас 4.

Подóбен: Скóро предварí:

Божéственнóю свётлостию озаря́емь, / мрак изгнáл еси́ душетлénных страстéй, Григорíе премúд-

* горé — вверху

** дóле — внизу, на земле

ре, / взятся к безстрастия чистейшей высотé, /
возсиял еси преславно врачеваний зарй, / вселив-
ся в незаходимый свет Царствия Христова.

Слава, Прокла, глас 3.

Подобен: Божественныя веры:

Божественный быв священнопроповедник, /
Божественным учением Церковь обогащая, тайно-
учителю всехвальне, / и Богородицу Деву Пречи-
стую проповедал еси / и Нестория посрамил еси. /
Темже вси чтим верно память твою, / просяще
прияти велию милость.

И ныне, предпразднства, глас 1.

Подобен: Камени запечатану:

Восхвалите, девы, матери, предпразднуйте, /
людие, славословите, священницы, благословите
Пречистую Матерь Божию: / плотию бо младен-
ствующи прежде, / во храм принесеса, яко храм
Божий святейший. / Темже праздник совершающе
духовный, воспоём Ю, / яко Предстательницу рода
человеческого.

Песнь 4

Ирмос: *Неизследный Божий совет**/ еже от
Девы воплощения / Тебе, Вышняго, пророк Авва-
кум, усмотряя, зовяше: / слава силе Твоей, Господи.

Священнии провозвестиша языцы Тебе, Чи-
стая, / быти село** невместимаго Естества, / сего
ради Тя лица девственнии провождают, свещи
носяще во святая.

Славу взял Иоаким со Анною, / ходяще и
носяще Тя с веселием во святыи храм, храме
Божий пресвятыи, / Чистая и Всенепорочная Вла-
дычице.

Разрешается изречение прародительное: / се бо
процвете Лоза, Яже Грозд нетленный нам плодоно-
сит, / вино носящий веселия концем.

Едину Тя Всенепорочную Содетель Слово об-
рет, / вселися во Твое чрево, содевая наше спасе-
ние благодатию, Пречистая, / за неизглаголанную
милость.

* совет — воля; замысел; совещание

** село — селение, вселение.

Ин

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отча, и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Нас ради странным сошествием быв, Григорие, странен благостынею, / тебе Его ради странна видев, от отчества бывша прият / и Божественна наследника Своего Царства, добродетельми украшена, содела.

За Христа, нас ради младенствовавшего, и Отрока, преподобне, бывша, / отроков училищу вдал еси тебе самого, младенец злобою, Богомудре отче, быв, / и Божественным смирением вражью злобу смирил еси, блаженне Григорие.

Тучами твоих слез, отче Григорие, якоже росю Божественною, напаяемь, / всяку возрастил еси добродетель, всякое благоплодие правды процвел еси, / яко древо плодоносное, при исходящих вод насажден совершенного постничества.

Богородичен: Мати Божия, Благословенная, Всенепорочная, / души моея язвы исцели, сласти утоли плотския, / омраченное сердце мое просвети, умири ум мой / и всякаго вреда, и вражиих мя напастей избави.

Ин

Ирмос: Гору Тя, благодатию Божию приосененную, / прозорливыма Аввакум усмотрив очима, / из Тебе изыти Израилеву провозглашаше Святому* / во спасение наше и обновление.

Глагол вещания и догматов благогласный учений твоих гром / Церковь Божию мудро веселят, / еретическое отгонят свирепство, священноявление Прокле всеславне.

Якоже злато огнем, священнейше, воздержанием / честное тело твое очистив, мудре, красно показал еси Творцу. / Сего ради тебе одеяние священства вечно дарова.

Знание Божественное навик, быв яко иерарх священный, / благоподатно прочее всем преподал

* Израилеву...Святому — Господу нашему Иисусу Христу

еси́ просвещѣние / и Божѣственныя свѣтлости во спасѣние душ, достослѣвне.

Богородичен: Угль Божѣственный во утрѣбе, Всенепорѣчная, приѣмши пѣче умѣ, / не опалилася еси́ истинно: / купина́ бо издалѣча образно Твое Рождествѣ прообразовѣ / во спасѣние наше и обновлѣние.

Песнь 5

Ирмос: Ужасѣшася всѣческая / о Божѣственной слѣве Твоей: / Ты бо, Неискусобрачная Дѣво, / имѣла еси́ во утрѣбе над все́ми Бѣга / и родила́ еси́ Безлѣтнаго Сѣна, / всем воспѣва́ющим Тя / мир подава́ющая.

Облацы да воска́плют правду днесь, / яко на Небесѣ бо простира́ется Божѣственный ѡблакъ во хра́ме Бѣгии, / иже ка́плет слѣдость, всю гѣресть душ наших изъѣмлющу.

Странно Твое зачатие, странно Твое и рождествѣ, странно твоѣ происхождѣние, Дѣво, / ѣже внутрь свѣтилица введѣние, / странна и преслѣвна Твоѣ, слово превосходя́ща и помышлѣние, Пречѣстая.

Всю Тебе освяти́ Дух Всесвяты́й, внутрь хра́ма пребыва́юще / и пита́ему пи́щею небѣсною, Невѣсто Отча прекрасная, / сего́ ради была́ еси́ и Сло́ва Родѣтельница.

К Тебе мою́ всю наде́жду, Отрокови́це, полага́я, / к щедрѣтам твоимъ прибѣгаю: / вреда́ демонскаго яви́ неприча́стну па́дшую ду́шу мою́ / и изнемѣгшую сластѣй пото́плѣнми.

Ин

Ирмос: Вскую́ мя отринул еси́ / от лица́ Твоего́, Свѣте Незаходѣмый, / и покрѣла мя естѣ чужда́я тьма, окаяннаго, / но обрати́ мя и к свѣту за́поведей Твоихъ / пути́ моя́ напра́ви, молю́ся.

Дѣланием словесѣ лозѣ показѣлся еси́ плодонѣсна, преподѣбне, / добродѣтелей зрѣлыя и велича́йшия принося́щая грѣзды, / спасѣния вино́ духо́вное точа́щая, ѡтче, / и вѣрных серде́ца веселя́щее.

Слѣвный Рим, ѡтче, от восто́ка ты свѣтильни́ка незаходѣма приѣм вѣрою, / просветѣся честны́ми твоими́ даровани́и: / Христа́ бо имѣл еси́ в души́ яко́ свет, / видѣющая ты, ѡтче, озарѣющая.

Ползящаго змѣя и наблюдающаго твою пѣту,
Григоріе,/ бѣдростию Божественною в путѣхъ
жизни ходя яко Божій угодник,/ яко заповедей
Христовыхъ дѣлатель, умертвил еси сію Духа.

Богородичен: Предстательнице міра, Мати
Приснодѣво, Ты мя окорми,/ и путевѣдствуй мя на
правый путь,/ и направи к правды стезямъ правымъ
помышление мое,/ души шестивия исправляющи.

Ин

Ирмос: Просветивый сияниемъ пришествия Тво-
его, Христѣ,/ и осветивый Крестомъ Твоимъ міра
концы,/ сердца просвети светомъ Твоего
Богоразумія/ православно поющихъ Тя.

Светоносен, яко светильникъ, всеблаженне,
быв,/ Божественныя Цѣркве явился еси побѣр-
ник,/ и Божіе уяснил еси еже из Дѣвы Всесвятыя
Рождество невращное, славне.

Воплощение Божіе из Дѣвы славное / догматовъ
в пращу* вложив,/ яко иноплемѣнника Голиафа,
низложил еси Несторіев свирѣпый нрав,/ яко
древле Божественный Давидъ.

Павловыми учѣнии сый исполнен / и того
видѣния узрѣв, всеизбранне,/ Елиссѣй вторый
показався,/ мастию Божественною, священствомъ,
помазан таинственно.

Богородичен: Ни смущѣния, ни смешѣния во
утробѣ пріят Дѣвы / Бог, плотию происходя,/ но
еже бе, пребысть Бог и Человѣкъ,/ невращно
дѣйствы являемъ.

Песнь 6

Ирмос: Божественное сіе и всечестное / совер-
шающе празднество,/ Богомудрии, Богоматере,/
приидите, руками восплещим,/ от Нея рождшаго-
ся Бога славимъ.

Укрѣплшесь Божественно благодатию, Божѣ-
ственныя Дѣвы родители / Сію яко непорочную
голубицу во святая воспитатися любовию возла-
гаютъ.

Тебѣ, хотящей приимати Свет, из Свѣта проис-
ходящій,/ свещи вжигающе, отроковицы, Чи-

* праща—орудіе для метанія камней в непріятели; здѣсь—образное выраженіе

стая, / предхóдят световíдно к Божéственному храму, ликовству́юще.

Полна́ славы Палáта, / вели́кое проро́ков оглаше́ние, Престо́л Святы́й внутрь святáя вво́дится, / Царю́ всех гото́вящися.

Пою́ Твоё, Отрокови́це, зача́тие, пою́ Твоё и неизрече́нное рождество́, / пою́ и покрóв Твой, íмже вре́да вся́каго изба́вляемся, / к Твоему́ оти́шию прибега́ющи.

Ин

Ирмо́с: Очи́сти мя, Спа́се, / мно́га бо беззакóния моя́, / и из глублины́ зол возведи́, молю́ся: / к Тебе́ бо возопи́х, и услы́ши мя, / Бо́же спасе́ния моего́.

Ма́нием* э́же к Бо́гу обожа́емъ, священнейше, / видéнии та́инственными и Божéственными осия́нии / я́ко проро́к Божéственный, я́ко Бо́жий уго́дник сподо́бился еси́ Бо́жия благода́ти.

Молчали́во твою́ жизнь соверши́л еси́, Богодухóвенне, / мятéжей житей́ских яви́лся еси́ бо́льший, и страсте́й вь́пший, / и земли́ всея́ страна́н же и пришлэ́ц.

Я́ко зерца́ло чи́стое, Божéственною заре́ю обога́тился еси́, / я́ко сосу́д священны́й, храм украси́л еси́, го́рною, Григо́рие, / и перво́родных Це́рковь просвети́л еси́.

Богородичен: Мари́е, чи́стая палáта Царе́ва, / бы́вша мя разбо́йником нечи́стый верте́п моли́твами Твоими́ очи́стивши, / из Тебе́ ро́ждшемуся храм свят покажи́.

Ин

Ирмо́с: Обы́де нас послéдняя бэ́дна, / несть изба́вляяй, / вмени́хомся, я́ко о́вцы заколе́ния. / Спаси́ лю́ди Твоя́, Бо́же наш: / Ты бо крéпость немощствую́щих и испра́вление.

Обыше́дшия, я́ко зве́ри, отгна́л еси́ ересей от ста́да Христо́ва побóрники / жезлом разúмным твои́х учéний, Прóкле блаже́нне, / к па́стве же правосла́вия па́ству испра́вил еси́.

Я́ко ин ковчэ́г, Це́ркви Христо́ве те́ло всеблаже́ннаго Златоуста́ / вдал еси́ твоими́, Прóкле,

* ма́нием — склонностью, обращением

поучёнными / и возвеселил еси православных лики присутствием его.

На великое возшэд седáлище, преподóбне, / величайшими исправлении украсил еси тое Боголѣпно. / Тѣмже, сошѣдшеса, благохвалим тя, архиерее, великомудренне Прокле славне.

Богородичен: Явилася еси Херувимов, Богоблагодатная Дѣво, преимущи: / на рамех бо носи́ма тѣми, Чистая, / объятии Твоими носила еси. / Темже Тя присно, Богородице, вси славим.

Кондак предпразднства, глас 4.

Подобен: Явился еси днесь:

Веселия днесь вселенная исполнися вся / в благознаменитом празднице Богородицы, / зовущи: / Та есть сень Небесная.

Икос:

Иже всех Творец, Создатель и Владыка, / неизреченным благоутробием приклонивыйся, еди́нем человеколю́бием Своим, / его́же Своима устрои рукама, виде́в па́дша, ущѣдри / и возста́вити сего́ благоволи, зда́ние Божественнейшее, / и истоще́нием Своим, яко благ естество́м и мило́стив. / Тем Марию Ходатаицу приѣмлет и яко Дѣву и чистую та́инства, / из Нея́ наше естество́ носити восхотѣ: / Та есть сень Небесная.

Песнь 7

Ирмос: Не послужи́ша тва́ри Богомудрии / па́че Созда́вшего, / но, о́гненное преще́ние му́жески попра́вше, / ра́довахуся, пою́ще: / препѣтый отцевъ Господь и Бог, благословен еси.

Светоно́сное Тя яко со́лнце, приѣмлет храм святы́й, / внутрь сия́ющу зарю́ концѣм спасе́ния, Чистая, / храм бы́ти имущую Сы́на Бо́жия, Дѣво.

Рука́ми вси восплѣщем, / избавле́ния носящую образы Неискусобра́чную видя́ще: / руко́ю бо Ангеловою пита́ется, / Небесный Хлеб нам яко хотя́щу неизрече́нно породити.

Ду́ши вся пра́ведных подзе́мныя благовести́ша Тя, голуби́це злата́я, / поко́й нося́щу пото́па разу́мнаго проявля́ют, / и во святы́х свята́я благоче́стно ликовству́ющу.

Яко красна, Краснаго родила еси, / нелѣпоту нашу возвращающаго в первый образ, Отроковице Всенепорочная, / Емуже и поем: / отцев Господь и Бог, благословен еси.

Ин

Ирмос: Божия снизхождѣния / огонь устыдѣся в Вавилоне иногда; / сего ради отроцы в пещи радованною ногою, / яко во цветнице, ликующе, пояху: / благословен еси, Боже отец наших.

Слез пролианьи греха огонь погасил еси, / безстрастия же воду и врачеваний чистое пиво песнопойщим точиши, Григорие: / благословен Бог отец наших.

Пламенною колесницею, честныя любви совершением носимъ, / к высотѣ возшел еси, / в нейже стужал еси твоѣ, Богомудре, житиѣ, зовый: / благословен Бог отец наших.

Страстей успил еси треволненія бодренными стоянми: / уснув же сном, праведным подобно, / к свѣту прешел еси невечернему, зовый: / благословен Бог отец наших.

Богородичен: Мертва бывша грехом и погибающа, / Жизнь рождающая, Чистая Дѣво, / оживи и спаси мя и геенны исхити, поющаго: / благословен Бог отец наших.

Ин

Ирмос: Тебѣ, умную, Богородице, пещь, / разсмотримъ, вернии, / якоже бо отроки спасе три Превозносимый, / мир обнови, во чреве Твоемъ всецѣл, / хвальный отцев Бог и препрославлен.

Тѣло, и ум, и дѣшу очистив отъятиемъ страстей, иерарше Прокле мудре, / оттуду догматствовал еси, / тѣло, и дѣшу, и ум от Девы рождающагося Бога кроме пременѣния, / за еже спасти ны, приемшаго.

Ты, ко Христу стужавъ, святе, дерзновение, / на земли хвалящимъ песнопѣсенно память твою славную / всякихъ напастей избавитися моли, / хвальнаго поющимъ Бога преславнаго.

Огонь разумный, в помышлѣннхъ вжег твоихъ, / хвратную* и гнилую злочестиваго Несторія

* хвратный — хворостинный

ёрьсь попалїл есі./ Тёмже ти мо́лимся:/ хвра́стныя на́ша сла́сти, ёже к Бо́гу мо́льба́ми тво́ими, поже́г, очїсти, сла́вне.

Богородичен: Но́сиши Бо́га, плóтию обложéна, на объ́ятиих Тво́их, Чїстая,/ я́коже Престо́л Херувїмскїй, Нося́щаго вся глаго́лом сїлы Свое́я,/ Ему́же песнопóем, веселя́щеся:/ препéтый отцéв Бо́же и препросла́вленный, благословéн есі.

Песнь 8

Ирмо́с: Слѣ́ши, Отрокови́це, Дéво Чїстая,/ да речёт úбо Гавриїл/ советъ Вы́шняго, дрéвний, їстинный:/ бѹди к прїятїю гото́ва Бо́жию,/ Тобо́ю бо Невместї́мый с челове́ки поживé./ Тем и ра́дуяся, вопїю́:/ благословїте, вся дела́ Господ́ня, Го́спода.

Слѣ́ши и разумéй, стар́че мѹдрый,—/ Заха́рии А́нна глаго́лет,—/ советомъ Божéственнымъ, Ю́же їмамъ Отрокови́цу Чїстѹю до́блественною душо́ю прїимї,/ То́я бо ра́ди бѹдетъ изба́вленїе,/ и в храмъ святѹй введї Сїю́, вопїя́:/ благословїте, вся дела́ Господ́ня, Го́спода.

Благословéн едїн Господ́ь, возопї свящéнник:/ жїзни вхо́ды ны́не указѹютъ я́ве, намъ объ́явивше,/ в ню́же хо́щетъ вселїтїся, Боговместї́мую пала́ту, Хрїсто́с, Царьъ вся́ческих,/ Ему́же вопїетъ вся земля́:/ благословїте, вся дела́ Господ́ня, Го́спода.

Се, стар́че мудре́йше,—/ А́нна рече́ благоговéйно,—/ до́брейшо́ю Отрокови́цу, Ю́же даде́ мне Бог,/ свéтло прїимї и проро́честву́ едїну, хотя́щую в вéщи произне́стї проповéданїя,/ с нїмиже вопїе́ши проро́чески:/ благословїте, вся дела́ Господ́ня, Го́спода.

Ны́не позна́х, же́но, я́вственнейше,—/ разу́мно рече́ стар́ецъ,—/ дре́во возраста́ет посреде́ храма,/ ёже процветётъ сѹщо Божéственный пло́д, в райъ вводя́щий/ снэ́дию изгна́нных тлэ́нїя, вопїю́щїя ра́достию:/ благословїте, вся дела́ Господ́ня, Го́спода.

Глаго́л неизрече́нныхъ учéний/ Тво́я душа́, Отрокови́це Чїстая, я́ве бѹдетъ,—/ стар́ецъ рече́ я́сно,—/ в Божéственный сей, Дéво, вселї́шїся

храм:/ Ангелом бо питаема, Совета Великаго Ангела родиши. Емуже поем:/ благословіте, вся дела Господня, Господа.

Глас Ти поем, Отроковице Чистая, радостно Гавриїлов:/ радуйся, всех вина едина радости,/ радуйся, душ очищение, яко рождшая избавление наше и воздание, песнопующих Тому:/ благословіте, вся дела Господня, Господа.

Ин

Ирмос: Седмерицею пещь/ халдейский мучитель/ Богочестивым неистовно разжже,/ силую же лучшею спасены, сия видеи,/ Творцу и Избавителю вопияше:/ отроцы, благословіте,/ священницы, воспойте,/ людие, превозносите во вся веки.

Твоими к Богу мольбами терпеливно дея,/ приял еси, всеблаженне, верою просимое:/ ноцию бо спящу, явився тебе, Ангел/ меч пламенный владѣ, страсти сердца отсекающ,/ и огнем ты невестественным очищающ, и славою просвещающ неизреченно.

Всесветлое яко солнце,/ разумно возсиял еси светом добродетелей светозарно, Григорие,/ чудес же сияньми озаряя всю землю и просвещая благочестно песнопующия:/ дети, благословіте,/ священницы, воспойте,/ людие, превозносите Христа во веки.

Ангельскаго песнопения слышав, Григорие,/ еще ходя в мертвенном твоём телеси,/ от негоже чувства твоя душевная яве насладив,/ и Боговиден, и светозарен познался еси, зовя Владыце:/ дети, благословіте,/ священницы, воспойте,/ людие, превозносите Его во веки.

Богородичен: Судию и Господа паче слова рождшая,/ Того яко Сына Твоего, Всесвятая, умоли в час суда,/ осуждения, и огня, и тьмы несветлыя,/ и скрежета зубов избавити верою благочестно песнопующия:/ священницы, воспойте,/ людие, превозносите Его во веки.

Ин

Ирмос: В пещи отроцы Израилевы,/ якоже в горниле,/ добротой благочестия чистее злата

блещáхуся, глаголюще:/ благословите, вся дела Господня, Гóспода,/ пойте и превозносите во вся вéки.

Яко в горниле светозáрнем, всеслáвне, чисто-тою страсти плотскія очíстив,/ я́ко злáто, всем возсиял еси́, воспева́я:/ вся дела́ Гóспода пойте и превозносите Егó во вéки.

Оргáном, блаженне, честна́го твоегó язýка, украша́ема вещáнием, Цérковь Бóжия/ на земли́ спасительное низше́ствие воспева́ет, всем глася́щи я́сно и вопи́юща:/ Тя превозно́сим, Христé, во вся вéки.

Гуслъ Божéственная явилъся еси́ йстинно,/ вещáние возглаша́ющая véрою приéмлющим Бóжие, е́же к нам, спасительное Воплоще́ние,/ Прóкле, óтче блаженне, véрою зовый:/ Гóспода пойте дела́ и превозносите Егó во вéки.

Богородичен: Сохрани́в зна́мения Твоегó, Дéво, дéвства неврédна Влады́ка,/ прóйде Бог из Тебé пáче смýсла, во е́же спасти́ вопи́юща:/ Гóспода пойте и превозносите Его во вéки.

Песнь 9

Ирмóс: Всяк земнорóдный/ да възгра́ется, Ду́хом просвещáемь,/ да торжествует же Безплóтных умóв естество́,/ почита́ющее священное торже-ство́ Богомáтере,/ и да вопи́ет:/ ра́дуйся, Всеблаже́нная Богорóдице,/ Чíстая Приснодéво.

Се Божия гора́ святáя со свещáми свéтлыми внутрь во святáя шéствует,/ от Нея́же Кáмень отсечéтся и трéбища* и куми́ры демонския истни́т***,/ челове́ки же са́мыя соде́лает хра́мы и честна́я обителища.**

Кля́тся Бог и ны́не испо́лни,/ от колéна Иúдова нам дав Приснодéву,/ Ея́же чрэво дрéво возрасти́т Жíзни,/ смертоно́сныя снэди избавля́ющее, падéнию пи́щею подни́кшия/ и украде́ныя прéлестию зми́ною.

Усты́ свéтлыми Анна возопи́ в хра́ме Бóжии:/ Тебé привозлага́ю, Ю́же мне дал еси́, Отрокови́цу,

* трéбище — место принесения идольских жертв

** куми́р — идол

*** истни́т — сокрушит

дрéво прозябший, / радуйся, решéние клятвы, / мучеников венчáние, преподóбных похвалó и человекóв благочестíвых утверждéние.

Ин

Ирмос: *Образ чíстаго Рождествá Твоего, / огнепáлимая купинá показá неопáльная; / и нýне на нас напáстей свирéпеющую угасíti, мóлимся, пещь / да Тя, Богорóдице, / непрестáнно величáем.*

Образы и сéни мимотéк и íстинно Христá разумéв, / породíвсь бáнею Крещéния, священник же помáзан священнейший. / Тэмже и Богорóдицу, Того рóждшую, проповéдал есí.

Нрáвы священныя и догмáты Златоустаго, блаженне, впéрсил * есí, / рéвность же его священную вéры, / изрыгнул есí догмáтов твоих пучíну, / ересéй потóки изсушáющую благодáтию.

Уста́ви священными твоими моли́твами воздви́заемое на ны смущéние / и отжени ** напáстей омрачéние и человекóв всех озлоблéние, / яко имéя дерзновéние ко Влады́це и Бóгу нáшему.

Богородичен: *О, пáче умá чудéс Твоих! / Бóжие бо Сло́во, плоть бýвшее, едина родила́ есí преестéственно, Мáти Дéво, / вся́ческая Божéственным хотéнием мýдре Содержáщаго, и окормля́юща ***, и соблюда́юща.*

Светíлен, Григóрия.

Подóбен: *Ученикóв зря́щим:*

Святýни храм был есí, иерáрше, / по Божéственному же причáстию нýне благ бывáеши и рай граждани́н, / в нёмже напитавáешия невозбранно дрéва знáния и нетлénныя слáвы, / пáмь творя́, Григóрие мýдре, о íже от любвé вéрою хвáлящих тя, священны́й óтче.

Слава, и ныне, предпразднства.

Подóбен: *Женý, услы́шите:*

День предпразднственны́й / храм привóдит нýне пречíстым введéнием Богорóдицы Марии, / Ю́же пою́т А́нгели, и человекóвы ублажáют, / дéвы

* впéрсил — принял (вложил) в себя

** отжени — отгони

*** окормля́юща — направляющего

же провождают, свещи носяще и играюще, в храм Господень.

На стиховне стихиры, глас 1.

Подобен: Небесных чинов:

Приидите, вернии, сошедшеся, песньми почтим / от матери неплодныя преславно рождшуюся / Богоневестную Матерь Творца, / и с девами же и свещами предъусрящем * Ю, / в храм входящу во святая.

Стих: Приведутся Царю девы в след Ея, / искренния Ея приведутся Тебе.

Якоже цветы различныя собравше / от разумных цветников Духа словес, / похвальные венцы радостно Деве исплетем / и предпразднственный дар Ей / достойно принесем.

Стих: Приведутся в веселии и радовании, / введутся в храм Царев.

Да уготовятся двери храма Господня и да отверзутся: / и дом славы, и едину, Превышшую Небес, / паче ума бывшую, / да приемлют, радующеся, / и Христа Спаса да воспоют.

Слава, и ныне, глас тойже,

Георгия Никомидийскаго:

Да радуется днесь Небо свыше, / и облацы веселие да кропят / о зело преславных величиих Бога нашего: / се бо дверь, на востоки зрящая, / рождшияся от неплодове неплодныя по обетованию / и Богу освящена бывши в жилище, / днесь в храм яко непорочное приношение приводится. / Да радуется Давид, бряца в гусли: / приведутся (рече) Царю девы в след Ея, / ближния Ея приведутся внутрь скинии Божия, / внутрь очистилища Его, / воспитатися в жилище прежде век от Отца нетленно Рождшагося / во спасение душ наших.

НА ЛИТУРГИИ

Блаженны предпразднства, песни 3-я и 6-я. Прокимен, глас 1: Уста моя возглаголют премудрость: Стих: Услышите сия, вси языцы: Апостол

* предъусрящем — благовременно встретим

дне и ўтрешний под зачало. Таже святаго, ко Евреем, зачало 351. Аллилу́ия, глас 2: Уста́ пра́веднаго поуча́тся премудро́сти: Стих: Зако́н Бо́га егó в се́рдце егó: Ева́нгелие дне и ўтрешнее под зачало. И святаго Евангелие от Иоанна, зачало 36. Прича́стен: В па́мять ве́чную:

ЗРИ Подобает ведати, яко аще случится предпразднство Входа Пресвятыя Богородицы в неделю:

В СУББОТУ НА МАЛОЙ ВЕЧЕРНИ

стихиры воскресны и Богородицы, по обычаю.

НА ВЕЛИЦЕЙ ВЕЧЕРНИ

М По обычной кафизме, на Господи, **воззвах:** стихиры воскресны 3, и восточен 1, Анатолиев, и предпразднства 3, и преподобнаго Григория 3. Слава, предпразднства. И ныне, Богородичен 1-й гласа. На литий обычное. На стиховне стихиры воскресны. Слава и ныне, предпразднства. На благословении хлебов тропарь: Богородице Дѣво, **радуйся:** трижды.

Аще ли несть бденія, глаголем тропарь воскресен. Слава, Григория, глас 3 (зри страницу 143). И ныне, предпразднства.

На Бог Господь: тропарь воскресен дважды. Слава, Григория. И ныне, предпразднства. По кафизмах седальны воскресны и Богородичны их. Таже полиелей и тропарь: **Ангельский собор:** ектений, ипакой гласа, степенна, прокимен, и Евангелие воскресно, и прочее до канона. Канон воскресен со ирмосом на 4, и Богородицы на 2, и предпразднства на 4, и преподобнаго Григория на 4. Катавасия: **Отверзу уста моя.** По 3-й песни кондак предпразднства и йкос; и кондак Григория. Слава, седален егó. И ныне, предпразднства. По 6-й песни кондак воскресен и йкос. На 9-й песни поем **Честнейшую:** Светилен воскресен. Слава, Григория. И ныне, предпразднства. На хвалитех стихиры воскресны 4 и предпразднства подобны 3, писаны на стиховне, и самогласен их, с припевы. Слава, стихира Евангельская. И ныне, **Проблагословенна еси:** Славословие великое. По Трисвятом тропарь воскресен точию, ектений, и отпуст, и час 1. На 1-м часе тропарь воскресен. Слава, предпразднства. И ныне, Богородичен часов. По **Отче наш:** кондак предпразднства. На 3-м часе тропарь воскресен. Слава, Григория. И ныне, Богородичен часов. По **Отче наш:** кондак воскресен. Такожде и на прочих часех глаголем кондак воскресен и предпразднства, **пременяюще.**

НА ЛИТУРГИИ

Блаженны гласа на 6 и предпразднства **песнь 3-я на 4.** По входе тропарь воскресен, и предпразднства, и храма святаго. Таже тропарь Григория. Кондак воскресен и храма. Слава, Григория. И ныне, предпразднства. **Прокій-**

мен, Апостол, аллилѹия, и Евѡнгелие, и причѡстен, прѣжде воскресен, и потѡм свѣтаго, слѹжба преподѡбническая.

Свѣтаго же Прѡкла слѹжба поѣтся, егда разсѹдит еклесиѡрх.

Святитель Прокл, архиепископ Константинопольский († ок. 446—447), с юных лет все свое время отдавал молитве и Богомыслию. Господь удостоил его великого счастья быть учеником святителя Иоанна Златоуста (†407, память 13 ноября), который рукоположил его сначала в сан диакона, а затем в сан пресвитера. Святой Прокл был свидетелем чудесного явления святого апостола Павла святителю Иоанну Златоусту. От своего учителя святой Прокл получил глубокие духовные познания, любовь к постоянному чтению Священного Писания, умение в совершенной форме излагать мысли.

После изгнания и смерти святителя Иоанна Златоуста святой Прокл был рукоположен святым Патриархом Константинопольским Сисинием (426—427) в сан епископа города Кизика, но под влиянием еретиков-несториан паства изгнала своего святителя. Тогда святой Прокл вернулся в столицу и проповедовал Слово Божие в храмах Константинополя, укрепляя слушателей в Православной вере, обличая заблуждения еретиков, в частности Феодора Мопсуэтского. По смерти Патриарха Сисиния святитель Прокл стал его преемником и возглавлял Константинопольскую Церковь в течение двенадцати лет (434—447). Стараниями архиепископа Константинопольского Прокла в 439 г. из Коман в Константинополь были перенесены мощи святителя Иоанна Златоуста.

В период патриаршества святителя Прокла Византию постигло сильное землетрясение, продолжавшееся несколько месяцев. В Вифинии, Гелеспонте, Фригии рушились города, исчезали с лица земли реки, в безводных прежде местах возникали губительные наводнения. Константинопольцы во главе с Патриархом и императором выходили из города и совершали молебны о прекращении невиданного по силе бедствия. Во время одного молебна из толпы был невидимой силой поднят в воздух

мальчик и унесен на такую высоту, где человеческий взгляд уже не мог его видеть. Затем, целым и невредимым, отрок был опущен на землю и рассказал, что там, в вышине, он слышал и видел, как ангелы, славя Бога, поют: «Святый Боже, Святый Крепкий, Святый Безсмертный». Весь народ запел трисвятую молитву, присоединив к ней: «помилуй нас» — и землетрясение прекратилось. Эту молитву Православная Церковь поет за Богослужением и до сего дня.

Константинопольская паства любила своего Патриарха за его подвижническую жизнь, за его заботу об обездоленных и за его проповеди. До наших дней дошли многие творения святителя. Известны направленные против несториан два слова святителя в похвалу Божией Матери, четыре слова на Рождество Христово, пасхальные проповеди, а также слова, излагающие Православное учение о Боговоплощении.

Рождество и Воскресение Христово — два величайших христианских праздника, которые, как подчеркивает святитель Прокл в своей пасхальной проповеди, составляют глубокое духовное единство, являют чудо Богооткровения и любви: «Своим рождением Он (Богочеловек) утвердил нашу веру в то, что Он есть человек, а во втором случае Своєю властью над смертью доказал, что Он есть Бог. А Агнец, взявляя грехи мира (Ин. 1, 29), никогда не был бы заклан, если бы Бог не воспринял образа раба и Создатель непостижимым для нас образом не облекся в естество Своего создания так, чтобы плоть Его служила источником жизни, кровь — ценою искупления, дух — печатю даров Духа Святаго». Важно также свидетельство святителя Прокла о древней Литургии апостола Иакова, брата Господня, сохранившееся в виде отрывка из недошедшего до нас полностью сочинения. Всеобщее уважение снискала деятельность свѣтаго патриарха по устройству благочиния во всех церковных делах.



Преподобнаго Диодора Юрьегорскаго, Каргопольскаго

Тропарь, глас 2:

Желанием дѹха распаливсѹ, / мятѣжъ мирскій
отрѣнув, / ко Единому Богу любовію
прилепѣсѹ / и Того вседѹшне взыскѹя, / во внѹт-
реннюю пустыню отѣде, / при водахъ вселѣсѹ, /
ѣдеже в слезѹхъ и трудѣхъ пребывая многолѣтнее
время, / в терпѣнии мнозе житіе Ангельское про-
ходил есѹ / в наставленіи Божественнаго рѹзума, /
стадо ѣнокъ собрѹ мудре, / ѣхже посещая, не остави,
Диодоре преподобне, отче наш, / Пресвятѣй Трѣ-
нице молясѹ / от золъ всѹческихъ избавити и спасти
дѹши наша.

Кондак, глас 2:

От юности, преподобне, / плотскѹю волю в
постѣхъ и молитвахъ источил есѹ, / крѣстъ свой
взѣм, Христови послѣдовал есѹ, / тѣмже и к Выш-
нимъ течѣніемъ радостно устремѣвъ себѣ, / ѣдеже со
всеми святѹми Святѣй Трѣнице предстоѣши, / но и
нынѣ стадо свое посещая, / поминаѣ чтѹщихъ
пресвятѹю пѹмѹ твою, / да вси благодарно вопи-
ѣмъ ти: / радуѣсѹ, Богомудре Диодоре, наставниче
нашъ пустынный.

Молитва

О преподобне и достоуважаемне Диодоре, отче
нашъ, постниче терпеливодѹшный, безмолвія ра-
чителю предоблий, учителю духовный спастѣсѹ
хотѣщимъ, разрешителю тлетворныхъ страстей не-
злѣбивый, молитвенниче о бѣжущихъ тѹ безвѣнно,
Хриstopодобный, прозорливства пророческаго
исполненный, предвозгласная о бѹдущихъ благѣхъ
цевнице, адаманте вѣры во Христа несекѣмый,
стѣлпе терпѣнія незыблемый, заповѣдей Творца
своего благопослушливый совершителю, плото-
носный Ангеле и Дѹха Святаго вмѣстѣлице благо-
уханное, жителю пустынный несомнительный,

смиренномудрый Небесный человеце и сожителю Горним чиноначалием! Ты кратостию духа кратких землю наследовал еси, друг же и угодник в Троице славному Богу нашему явился еси, Иже и прославити тя благоизволи. Вемы бо, преподобне, како Бог изобильно от тебе чудесному дождю верным кропити повеле. К тебе убо припадающе, любезно молим тя, угодниче досточудный: не престай моляся Пресвятей и Живоначальной Троице, да низпослет стране нашей тишину и мир, на враги победу и одоление, церквам же согласие и всем людем смиренномудрие и изобилие благих. Угаси, блаженне, молитвами твоими парящая на ны разжженные бесовския стрелы, да не прикоснется нам злоба греховная, и всем всегда милостивное даруй. Призри и на мя, недостойнаго: связан бо есмь люте пленицами прегрешений моих и в пучину страстного моря влеком, увы мне! неодолимо. Сего ради прилежно молю святыню твою, пребогате, и припадаю к тебе со слезами, глаголя: предстани ми на пути напасти моея, расторгни узы, отжени страсти, ослаби от греховных вериг, избави мя от належащая скорби и от всякаго зла, да не сведен буду по делом моим в сеть лютому миродержцу врагу. Разрешь мя от болезненных союз и спасение даруй ми, яко да спасаемь молитвами твоими, воспою и прославлю от всея видимыя и невидимыя твари в Троице славиимаго Бога—Отца, и Сына, и Святаго Духа, ныне и в безконечныя веки веков. Аминь.

Иная молитва

О преславный, Богоукрашенный, пресветлый светильниче, Небеснаго Царствия наследниче, безмолвия рачителю всеизрядный, трудоположниче терпеливодушный! Ты древле неплодную, ныне же тобою новопросвещенную Юрьеву гору светом Христовым озарил еси, на нейже и святую обитель воздвигл еси, и Богоугодными твоими труды и подвиги, различными добротами и благолепием сию украсил еси, и честным твоим и чудотворным и цельбоносным мощем прославитися изволил еси, и теми страну сию освятил еси, и бесовския полки

из нея́ изгна́л еси́. Помози́ мне грѣшному, о всеблаже́нне, Ду́ха Свята́го благода́тию пу́ть жити́я спасительно́ шествовати; просвети́ омраче́нную ду́шу мою́ заре́ю Богодарова́нныя ти благода́ти; да́руй ми́ богáтно неболезненнымъ житѣльствомъ пожити; покажи́ входъ невозбра́нен во ограду́ вѣчнаго пребыва́ния; сохрани́ блужда́ющаго в пусты́ни житѣйстей; отжени́ от се́рдца моего́ душетли́тельную по́хоть; очисти́ скверну́ грехо́вную моли́твами твоими́, я́звы исцели́ и спасе́ние да́руй, да вѣсело зову́ ти, спасае́мь: ра́дуйся, преподо́бне Диодо́ре, о́тче на́ш, свети́ло незаходи́мага свѣта, свѣтло сия́ющая звѣздо пресвѣтлая, в сия́ послѣдняя времена́ в се́верныхъ страна́хъ возсия́вшая; ра́дуйся, странѣ́ Росси́йской вели́кое на супоста́ты поможе́ние и заступле́ние, во бра́нехъ крѣпкое одоле́ние; ра́дуйся, непоколебимый́ благоче́стия сто́лпе, ино́ческихъ преда́ний твёрдый хра́нителю и ино́комъ наста́вниче духо́вный; ра́дуйся, крѣпкий адама́нте и стра́шный бесо́м прогонителю́ и победителю́; ра́дуйся, граду́ на́шему и Богоздáнней тво́ей оби́тели свѣтлая добро́то и оте́честву тво́ему похвало́ вѣчная и непреста́нная. Спо́доби́ убо́ и мене́ вся́кия ра́дости и Небе́снаго Царств́я бѣ́ти прича́стника ны́не, и прѣсно, и во вѣ́ки веко́в. Ами́нь.

